

Toi Ataata Kaupae 1

Te Pūrongo Aromatawai ā-Waho 2024



Te Marautanga o Aotearoa

Te Rā Aromatawai

Te Momo Aromatawai

Ngā Paerewa Paetae

Toi Ataata

Te 30 o Oketopa 2024

He Kete Manarua

92085 me te 92086

Te Wāhanga 1: He Tirohanga Whānui

Kia mārama pai te ākonga ki ngā hiahia o te otinga mahi, kia pai hoki te whakatakotoranga o ngā mahi katoa

Te Wāhanga 2: He kōrero mō te Paerewa Paetae

92085: Te whakaatu māramatanga ki ngā huānga toi ataata.

Te Aromatawai ā-Waho:

- Kōwhiria kia KOTAHI te huānga toi ataata.
- Rangahaua kia rua neke atu rānei ngā ringatoi me ā rātou mahinga toi, koinei hei whakatauiria i te huānga toi kua kōwhiria e koe.
- Tautohua te huānga toi kua kōwhiria e koe i roto i ngā tauria mahinga toi ataata. Me whakarite tuhi tīpoka, kōrero ā-waha rānei hei taunaki i ētahi whakaahua, huahua hoki o ngā tauria mahinga toi ataata.
- Whakaritea he kōpaki mahi toi i ngā kohikohinga mahinga toi ataata kua oti kē i a koe te rangahau.

Pūrongo Paerewa Paetae:

Ko ngā ākonga i eke ki te **Kairangi** i te paerewa paetae nei:

- i tau te whakaatu māramatanga ki ngā huānga toi ataata, ā, i whakaatu i te āuahatanga, me te hiranga o ngā whakaaro.

Ko ngā ākonga i eke ki te **Kaiaka** i te paerewa paetae nei:

- i ariari te whakaatu māramatanga ki ngā huānga toi ataata.

Karekau he ākonga i riro i te maaka nei, heoi kia eke ki te Paetae me:

- whakaatu māramatanga ki te huānga toi ataata te taumata.

Ko ngā ākonga **Kāore i whiwhi** i te paerewa paetae nei:

- Karekau he ākonga Kāore i whiwhi i te paerewa paetae nei.

92086: He kōrero mō te Paerewa Paetae

92086: Te whakamahi i ngā āhuetanga toi ataata kia puta ai he mahinga toi

Te Aromatawai ā-Waho:

Me kōwhiri te ākonga kia **WHĀ (nuku atu rānei) ngā pepa-matatahi A4 (e rua (2) ngā pepa-matatahi A3 rānei)** e whakaatu ana i ngā āhuetanga toi ataata pēnei i ngā huānga, tūnga, pūkenga, me ētahi atu mahi na te ākonga i waihanga. Me matua noho mai he whakaahua o te mahinga toi ataata motuhake kua oti.

NGĀ MAHI A TE AKONGA

1. Kōwhiria kia WHĀ ngā pepa-matatahi A4, e RUA pepa-matatahi A3 rānei, e whakaatu ana i ngā āhuetanga toi ataata pēnei i ngā huānga, tūnga, pūkenga, me ētahi atu mahi whakarite.
2. Ko ngā pepa matatahi ka kōwhiria, me ahu mai i ngā puka mahi toi, i ngā kohikohinga mahinga toi kua oti kē e te ākonga i te roanga o te tau, i roto i te akomanga.
3. Ka whakaputa i tētahi mahinga toi ataata e whakaatu ana i ngā āhuetanga toi kua tautohua e te ākonga.

Pūrongo Paerewa Paetae:

Ko ngā ākonga i eke ki te **Kairangi** i te paerewa paetae nei:

- i whai, i whakaputa māramatanga ki ngā huānga toi pūoro, me te whakaatu i te kounga o te whakaaro me te tapatahi ki te whakahua mahinga toi ki tōna anō taumata ikeike.

Ko ngā ākonga i eke ki te **Kaiaka** i te paerewa paetae nei:

- i whakaputa māramatanga ki ngā huānga toi ataata, a, i whakamahi ērā āhuetanga toi ataata kia puta ai he mahinga toi.

Ko ngā ākonga i eke ki te **Paetae** i te paerewa paetae nei:

- i whakaputa māramatanga te ākonga ki ētahi huānga toi ataata kia puta ai he mahinga toi.

Ko ngā ākonga **Kāore i whiwhi** i te paerewa paetae nei:

- Karekau he ākonga Kāore i whiwhi i te paerewa paetae nei.